


Youh Deng Yaeuh Lo

□ Veiz Aicinh / 韦爱珍



Ngoenz ndeu, gou bae ndaw yienhsingz banhsaeh, muengz hwnj muengz roengz baenz haet le, lij caengz ndaej gwn ngaiz, iek ndaej naengdungx nem laenghwet bae.

Sawqmwh yawjraen doiqnaj miz aen diemq hojgoh he, boux fuzvuyenz raen gou yienghneix dinghdingh yawj, couh ganjgip byaij ok bakdou daeuj riunyumnyum naeuz: “Nuengx a, aen diemq dou byaeknoh ndeigwn, youh cingq guh hozdung, bienzngeiz lai bo, mbouj haeujdaeuj cimzcimz?”

Dingq de baenzneix gangj, gij heiqhom yinx ndaej gou myaiz yaek rih okdaeuj lo, baenzneix couh haeuj-bae lo. Fuzvuyenz dawz mbawdiemj-byaek gvaqdaeuj, gou ngeix baenz

buenq ngoenz cij diemj ndei byaek gwn. De ciep gvaq baez yawj gig ngeixngwg cam: “Mwngz baenzlawz cij aeu byaekheu ya, mbouj miz saekdi noh ne?” Gou mbouj ndei eiqseiq naeuz: “Gou lau biz.” Fuzvuyenz riu naeuz: “Gwn hojgoh aeu miz noh cij mizyinx.” Gou ngauzngauz gyaeuj, sawqmwh yawjraen laeng bakdou miz aen caengh ndeu. Fuzvuyenz sikhaek vuenheij hwnjdaeuj naeuz: “Neix dwg aen diemq dou ngamq cawx dauq, caenghnaek mbouj sou cienz.” Gou dingq le sim’angq raixcaix, duenh seizgan neix gou itcig mbaet bak siuj gwn, hix mbouj rox miz mbouj miz yungh, seizneix bae caenghcaengh yawj. Ndown hwnj gwnz caengh baez

yawj, angq ndaej yaek saetdiuq hwnjdaeuj, gou mbaeu 5 gaen lubw!

“Fuzvuyenz, dem deb nohsam-caengz daeuj!” Gou ganjgip vad fwngz coh de hemq hwnjdaeuj. Caen liuh mbouj daengz, ngoenzneix gou goj ndaej cuengq bak gwn baez noh lo, donq haeuxngaiz neix gou gwn ndaej sangj dangqmaz.

Gvaq le geij ngoenz, gou byaij gvaq aen diemq gai yw ndeu, yawjraen bakdou hix daengj miz aen caengh he, gipmuengx buet gvaqbae caengh. Dai lo, gou caen mbouj saenq aen lwgda gou: Ngamq gvaq geij ngoenz youh naek geij gaen la? “Aen caengh sou cinj mbouj cinj?” Gou miz di hozndat cam boux mehmbwk gai yw: “Ngoenzgonq gou youq aen diemq hojgoh caengh cij miz 100 gaen ndwi!”

Dingq gou yienghneix hoed, de riu ndaej raemxda lae bae: “Dangh-naeuz aen caengh diemq hojgoh mbouj caengh mwngz mbaeu di, mwngz lij gamj lai gwn byaeknoh lwi? Dou caeuq de mbouj doxdoengz, mboujnex mwngz cawx di yw gemjlauz, gwn yw gemj ndaej vaiq.” Raen gou ngeix-laengx, de youh naeuz: “Mwngz goj cawx di yw sawqsawq, gvaq geij ngoenz caiq daeuj caengh couh rox lo.” Gij vah de gangj ndaej hawj gou sim fubfed dwddwd, baenzneix couh mbon cienz okdaeuj cawx.

Byaij maranz, gou yied siengj yied mbouj doiq, aen caengh diemq gai yw mbouj dwg vihliux hawj gou cawx yw cij daegdaengq caengh gou naek di ba? Gou doeksat dwk

ndangcwg caez, seizneix cei q youq-gaenj dwg bae cawx aen caengh cinj ndeu dauq. Gou ganjgip buet bae doiqnaj aen sanghcangz, daengz gij dieg gai caengh, sijsaeq genj baenz buenq ngoenz, cam naeuz: “Lauxbanj, aen caengh mwngz cinj mbouj cinj ha?” Bouxgaicaengh dagaengz gou baez ndeu: “Dangvienz cinj, mbouj cinj beg soengq mwngz aen ndeu.”

Baihna j deng gwn vei, gou gvai lai lo, naeuz: “Mwngz baenzlawz cingqmingz aen caengh mwngz cinj ne?” Bouxgaicaengh fwngz vix laj laeuz naeuz: “Mwngz bae cauhsi iq lajde cawx daeh haeux cang ndei miz 5 gaen daeuj, caengh baez ndeu couh rox lo.” “Hoeng, 5 gaen mbaeu lai, cuengq youq gwnz caengh lau mbouj hwnj ba?” Gou lij ngeizlaengx.

“Yienghneix ndei ha.” Boux-gaicaengh riuhehe naeuz, “Mwngz umj daeh haeux caengh gonq, caiq cuengq daeh haeux bonjfaenh gag caengh baez ndeu, song baez doxgemj, ca 5 gaen couh mbouj loek lo!”

Gou baez ngaekgyaeuj, aen banhfap neix caen ndei. Gou umj daeh haeux 5 gaen angqvauvau cingq yaek hwnj laeuz, sawqmwh myaeg raen bouxgaihaeux dwk denva, youq baih-laeng biu daeuj coenz vah ndeu: “Gvan mwngz caen rox guh seng’ei q, gai aen caengh, lij snwn gai bae daeh haeux dem……”

Aen sim gou daengj baez ndeu, youh mauh ok hanhheu daeuj: “Mehmbwn ha, baezneix gou youh deng yaeuh lo!”

Fwen Danq Aencingz Bohmeh

□ Lij Soujhan / 李守汉

Lwnh lwgmbwk lwgsai,
Cungj wnggai rox laex,
Bohmeh raeuz cingzngleih,
Caen aeu geiq ndawsim.

Gienq raeuz gyoengq hauxseng,
Yaek aeu hengz hauqdauh,
Aeu hauqgingq bouxlaux,
Daengzcog cauh fukheiq.

Miz di gvengq mehboh,
De roz couh lumj fwngz,
Mbouj hawj daenj caeuq gwn,
Byaj gwnzmbwn couh bag.

Gienq lajmbwn vunzraeuz,
Cungj aeu gyaex bouxlaux,
Aen bohmeh mbouj bauq,

Daengz sou laux couh raen.

Guk mbouj gwn ndwen loeg,
Miz goek cij miz byai,
Daih bohlaux ndei lai,
Cog lwggvai goj cie p.

Vunzvunz aeu gingq laux,
Boh gaeq mbouj ndaej wngj,
Ndwen loeg guk mbouj gwn,
Cog daengz mwngz guh meh.

Vunzvunz aeu gingq laux,
Doengzcae z cauh fukheiq,
Daihdaih cienz roengzbae,
Geiq cingzngleih bohmeh.

Ciengx gyoengqlwg daengz laux,

Bohmeh cauh vuenyungz,
Daj iq gyang fwngz bungj,
Baenz hung caen mbouj vei.

Lwglan boiz cingzngleih,
Yienghneix guh cij ndaej,
Daengx ranz vunz doxgyaex,
Diemz lumj caez gwn dangz.

Bohmeh lumj diendeih,
Guh lwg ngeix youq sim,
Niemh bohmeh aencingz,
Bouxwnq hix gingq dauq.

Bohmeh ciengx raeuz hung,
Feiq sim youh gwn hoj,
Lajmbwn vunz caez rox,
Bohmeh deng nanh lai.

Bohmeh bingh gwnz cong z,
Ciengz dauq ngon z saek caenh,
Dangh goj miz fukfaenh,
Gaenx ndenq raemx ndenq gwn.

Bohmeh bingh gwnz cong z,
Ma ngon z gaenx fugsah,
Ciengx raeuz hung baenzneix,

Aeu boiz ngeih boiz aen.

Miz naed bya gaiq noh,
Lai hawj bohmeh gwn,
Daengz de dai roengz gumz,
Vaiz caeq gwn mbouj ndaej.

Dwen daengz raemxda langh,
Ndok caeuq namh guhdoi h,
Soengq bohmeh hwnj ndoi,
Yienghlawz boiz cingzngleih?

Meh bae mbanj bae haw,
Ok bakdou bae ngon z,
Daengz gvaqseiq roengz cong h,
Vah baenzdong caengz gangj.

Bohmeh lij youq ranz,
Ndae j gwn can rox can,
Aeu caensim bae ganq,
Daengz laeng nanz ndaej raen.

Eu lai lij miz lai,
Doengzcae z baij dauhleix,
Eu fwen daengz gizneix,
Daengq gak boux geiq maenh. (sat)